



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 15. Mandata utrique Legato in Franciam , & Belgium misso a Pontifice data.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI.
A.C. 1556.

§. XV.

Mandata utrique Legato in Franciam, & Belgium misso a Pontifice data.

Pallav. l. c.
Sleid. comm.
l. 26. hoc anno

Ceterum hisce duobus Legatis eadem ferme mandata dabantur; injunctum enim erat illis, ut abrogatis hisce induciis Cæsarem, ac Franciæ Regem ad firmam, perpetuamque pacem inducerent, hancque in rem Pontificis operam utrique Principi offerrent, simulque pollicerentur, quod Papa ad promovendam tantorum Principum gloriam, necnon procurandam ditionum suarum securitatem æquas sinceri amici partes integre expleturus esset. Præter hæc tamen mandata, quæ utrique Legato erant communia, Cardinalis Caraffa secreto ea non nisi oretenus Regi Christianissimo exponere jubebatur, quod Henricus ad rescindendas hæc inducias, necnon ad firmandum fœdus a Cardinale Lotharingio conciliatum, crebrisque sollicitationibus, ac amplis muneribus impetratum justitiæ legibus obstringeretur. Utrumque hoc mandatum Legatus ex Pontificis jussu a suo Fratре accipiebat, & quidem illud, quod utrique Legato fuerat datum, Romæ ad acta referebatur, secretum

tum vero, quod palam facere erat prohibi-
 tum, nequaquam tabulis inferebatur: Sæcul. XVI.
 A. C. 1556.
 quamvis idipsum postea inter accusa-
 tionum capita, ob quæ Caraffa sub Pau-
 li IV. successore fuerat condemnatus, re-
 censeretur: eidem enim crimini datum,
 quod absque Patru sui jussu Galliarum
 Regem eo induxisset, ut hic Italiam in-
 festis armis devastaret.

§. XVI.

*Papa in Columnenses vehementer in-
 dignatus.*

Priusquam Legati sese itineri accin-
 gerent, Pontifex in publico Purpu-
 ratorum Senatu in Columnenses vehe-
 menter insurgebat, eosque velut impios
 traducens, quod eorum Majores semper
 Sacræ Sedi infesti fuissent, ostendere
 nitebatur, speciatim vero declamabat in
 Ascanium eo tempore Neapoli capti-
 vum, qui Clementem VII. olim in arce
 oppugnaverat, & cum Hispanis urbem
 diripuerat. His præmissis in Marcum
 Antonium Ascanii fratrem accerrime
 invehebatur, eo quod hic paternis vesti-
 giis insistens scelerate grassandi princi-
 pium ab ipso parente fecerit, eumque
 illo impietatis modo spoliaverit, quo
 nunc sacrilega, & detestanda in Pon-
 tificis, ac Sacræ Sedis perniciem con-
 silia agitet: his motus Papa ipsum bene-

*Thuan. l. 17.
 Pallav. l. 13.
 c. 17. n. 3.*